

**-SAVJET ZA RODNU RAVNOPRAVNOST-**

Broj: 0101-10066-1/24

Sarajevo, 15. 10. 2024. godine

Z A P I S N I K**SA 7. SJEDNICE SAVJETA ZA RODNU RAVNOPRAVNOST
UNIVERZITETA U SARAJEVU ODRŽANE 15. 10. 2024. GODINE**

Prisutne/i: prof. dr. Amila Ždralović, predsjednica, prof. dr. Jasna Kovačević, prof. dr. Zilka Spahić-Šiljak, prof. dr. Ajla Demiragić, prof. dr. Dženita Hadžijunuzović-Alagić, doc. dr. Belma Memić i dr. sc. Maida Hadžić Omanović, članice.

Odsutne/i: dr. sc. Gaj Trifković i red. prof. Ermin Bravo, članovi.

Sjednica je počela u 13:00 sati.

Sjednicom je predsjedavala prof. dr. Amila Ždralović, predsjednica Savjeta na čiji je prijedlog jednoglasno usvojen sljedeći

D N E V N I R E D:

1. Zapisnik sa 6. sjednice Savjeta za rodnu ravnopravnost Univerziteta u Sarajevu održane 11. 09. 2024. godine
2. Aktivnosti na članicama Univerziteta u Sarajevu u okviru Kampanje „16 dana aktivizma protiv rodno zasnovanog nasilja“
3. Prikupljeni podaci u sklopu Operativnog plana *Akcionog plana za rodnu ravnopravnost Univerziteta u Sarajevu (GAP UNSA) 2024-2026.*
4. Informacija o održanom sastanku sa savjetnicama i savjetnicama za prevenciju seksualnog i rodno zasnovanog uznemiravanja
5. Tekuća pitanja.

TOK SJEDNICE

Ad-1.

Zapisnik sa 6. sjednice Savjeta za rodnu ravnopravnost Univerziteta u Sarajevu održane 11. 09. 2024. godine, jednoglasno je usvojen.

Ad-2.

Aktivnosti na članicama Univerziteta u Sarajevu u okviru Kampanje „16 dana aktivizma protiv rodno zasnovanog nasilja“:

Prof. dr. Amila Ždralović informirala je članice Savjeta da je ova tačka Dnevnog reda predložena u cilju usaglašavanja prijedloga aktivnosti na članicama Univerziteta u Sarajevu u okviru Kampanje „16 dana aktivizma protiv rodno zasnovanog nasilja“. Prof. dr. Jasna Kovačević informirala je članice Savjeta o realiziranim aktivnostima UNIGeRCa.

Članice Savjeta su vodile diskusiju o modalitetima univerzitetskih aktivnosti koje bi bile od pomoći u podizanju svijesti zaposlenika/ica i studenata/ica o postojanju i borbi protiv rodno zasnovanog nasilja, kroz edukativne radionice, izložbe, informativne štandove, zabavne aktivnosti. Diskutirano je i o modalitetima za organiziranje navedenih aktivnosti unutar fakulteta/akademija pojedinih vijeća grupacija nauka/umjetnosti, sa naglaskom na fakultete koji pripadaju Vijeću grupacije medicinskih nauka i Vijeću grupacije tehničkih nauka. Na održanoj sjednici istaknuto je da postoje poteškoće u animiranju i motiviranju zaposlenika/ica i studenata/ica Univerziteta za učešće u ovim aktivnostima.

Zaključeno je da se svi prijedlozi aktivnosti u okviru ove Kampanje mogu dostaviti prof. dr. Jasni Kovačević do kraja oktobra 2024. godine. Također je konstatirano da se u cilju efikasnijeg protoka informacija u vezi sa organiziranim aktivnostima aktivno uključi i Odbor za upravljanje kvalitetom Univerziteta u Sarajevu.

Ad-3.

Prikupljeni podaci u sklopu operativnog plana *Akcionog plana za rodnu ravnopravnost Univerziteta u Sarajevu (GAP UNSA) 2024-2026.*:

Članice Savjeta su kroz dostavljeni materijal informirane da su u sklopu aktivnosti Savjeta u akademskoj 2024/2025. godini, shodno operativnom planu Akcionog plana za rodnu ravnopravnost Univerziteta u Sarajevu (GAP UNSA) 2024-2026 i donesenim zaključcima sa prethodne sjednice Savjeta održane 11. 09. 2024. godine, do sada prikupljeni slijedeći podaci:

- Rodna analiza dobitnika/ica univerzitetskih priznanja „Zlatna značka“, „Srebrna značka“ i „Povelja“ za period 2005-2023. godina
- Rodna analiza broja zaposlenika/ica iz reda nastavnog/naučnoistraživačkog osoblja i nenastavnog osoblja za akademsku 2023/2024. godinu

- Rodna analiza dobitnika/ica počasnog zvanja profesor emeritus Univerziteta u Sarajevu za period 2001-2023. godina.

Ad-4.

Informacija o održanom sastanku sa savjetnicama i savjetnicama za prevenciju seksualnog i rodno zasnovanog uznemiravanja

Prof. dr. Amila Ždralović informirala je članice Savjeta da je 3. oktobra 2024. godine na Univerzitetu u Sarajevu uspješno realiziran sastanak sa savjetnicama i savjetnicama za prevenciju seksualnog i rodno zasnovanog uznemiravanja imenovanih na članicama Univerziteta u Sarajevu. Na održanom sastanku prof. dr. Amila Ždralović predstavila je aktivnosti Savjeta za rodnu ravnopravnost.

Predavanje na temu *Procesno-pravni aspekti zaštite u svjetlu diskriminacijskog ponašanja* održala je prof. dr. Jasminka Gradašćević Sijerčić (Univerzitet u Sarajevu – Pravni fakultet).

Prof. dr. Zilka Spahić Šiljak je prisutnim savjetnicama i savjetnicima predstavila aktivnosti UNIGeRCa.

Primjere dobre prakse na Univerzitetu u Sarajevu u prevenciji rodno zasnovanog nasilja kroz edukaciju prisutnima je predstavila prof. dr. Dženita Hadžijunuzović-Alagić (Univerzitet u Sarajevu – Veterinarski fakultet).

Zaključeno je da se ažurirana lista savjetnica i savjetnika za prevenciju seksualnog i rodno zasnovanog uznemiravanja, imenovanih na članicama Univerziteta u Sarajevu, dostavi svim članicama/članovima Savjeta, kao i pregled prisustva navedenom sastanku.

Ad-5.

Članice Savjeta su upoznate da je red. prof. Ermin Bravo, član Savjeta ispred Vijeća Grupacije umjetnosti, zbog velikog broja obaveza i nemogućnosti da redovno prisustvujete sjednicama Savjeta, sugerisao da se razmotri mogućnost imenovanja drugog/e člana/ice u Savjet za rodnu ravnopravnost, ispred Vijeća grupacije umjetnosti.

Zaključeno je da se prof. Erminu Bravi uputi e-mail sa molbom da se o navedenom izjasni pisanim putem.

Sjednica je završena u 14:00 sati

PREDSJEDNICA SAVJETA

Prof. dr. Amila Ždralović

Za Zapisnik:

Alma Voloder-Madacki
Alma Voloder-Madacki, dipl. iur.